

Sei in: **Cronaca** Dar kholl: an alta arbat von Zimbarn

CIMBRI

## Dar kholl: an alta arbat von Zimbarn

Minoranzelinguistiche

24 settembre 2019



*Frassino, carpino, faggio, nocciolo e betulla, tagliati ed accatastati ad arte, sono gli ingredienti di un rituale millenario tipico della Montagna alta del carbon, come veniva chiamato una volta l'Altopiano della Lessinia: la Kholgruabe – la Carbonaia – era il procedimento con cui i vecchi Cimbri veronesi producevano il carbone che poi rivendevano nelle città delle valli venete fin dal Medioevo. Un camino di terra da riempire con braci e pezzetti di legno verde, una combustione lenta sorvegliata dai carbonai giorno e notte, perché tutto si svolgesse secondo le ligie regole del carbone, erano un vero e proprio rituale dell'antico oro cimbro, tipico di questi mesi di primavera tra maggio e giugno.*

'Z iz gest da eltarste von arbatn boda soin khennt gemacht aft ünsar hoachebene, un boda hatt zuargemachtrivan di earstn laüt, un furse iz o gest da earst arbat boda iz gânt vorlört vor hërta. 'Z iz aromài darkhennt, nâ alln in studie boda soin khennt gemacht vo dar Soprintendenza ai Beni Archeologici vodar Provintz vo Tria un von Dipartimento vo Scienze dell'Antichità vodar Università vo Padova, ke sa 1200 djar vor Gottarhear afti hoachebene soinda gest ploaz övan boda soin khennt gemacht un genützt auzzoschmèlta in khupfar von khnotn. Vo disan sachandar azma böllt dar Dokumentationszentrum Lusérn hatt an auzlegom boda iz offe daz gântz djar. A par tausankhtar djar spetar afti ünsarn pèrng hattma bidar ågeheft z'sega tempfan da un danâ, neméar vor di forne von khupfar ma vor in kholl. Ünsarne beldar vo puach, esch un hâmpuach hâm gètt daz djüst holtz boma hatt gehatt mångl zo macha in kholl, daz sbartz golt boda in tal un

fin in di stattn hãmsa genützt azpe in ta' vo haüt in petròldjo. Ma pròpio pinn petròldjo spetar dar kholl hatt vorlòrt bèrt, un di kholgruam soìn gânt laise laise sparirante, un pitt disan 'z gebizza von laüt afti tèknike un afti matardjél boda soìn khennt genützt auzomachase. In ta' vo haüt di laüt boda khànen aumachan a kholgruabe zeltmase aftna hânt alümma un vor ditza mochtma dokumentàrn baz sa bizzan un allz bazzaz mang lirnén. Ummadar vo disan iz dar Nello Boschi vo Ljietzan, in Lessinia, bodar aumacht alle djar pittar hilfe vo soìn sunn Giorgio, a kholgruabe azpe ma hatt usitàrt tüan bobràll afti zimbarn pèrng. Vor a par djar, di zboa mànnen soìn zuarkhennt atz Lusérn o, zo macha au a kholgruabe in spòrtplatz nãmp dar Kirch. Ploaz laüt soìn gest zuargerift z'sega, furse vor da earst bòtta o, di schümma un bichtege traditzióng von zimbarn boda nètt schöllat gian vorlòrt. Eppaz anvétze gântz naügez un boda hèrta någeat in kholl, iz di Birra dei Carbonai, a bira - hèrta gemacht nidar in Lessinia pinn kholl – bodase hoazt Bir 'un Koular' un Ljetzan. Disa bira iz sbartz un khinnt gemacht in di tang vodar kholgruabe. Sichar eppaz kurdjósat boda bill machan khennen hèrta mearar ünsarne burtzan.

**AvT**

*Didascalìa foto: Foto di Giorgio Boschi*